



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 3. An hora nona cibum sumerent Antiqui. Quinam semel, qui pluries in die olim reficerentur. Christianorum qui mores de eadem re, & qua hora jejunium solverent.

**urn:nbn:de:hbz:466:1-10805**

3. Illud etiam ad horæ Nonæ veneracionem facit, quod in Actibus Apostolorum legitimus. Cornelius enim Centurio vir religiosus ac timens Deum hac ipsa hora in oratione positus Angelum Domini videre meruit, à quo monitus est accersere Petrum, & audire ab illo verba vitæ. Eadem hora Petrus <sup>a</sup>, & Joannes ascendentis in templum claudum à matris utero per fidem, & invocationem nominis Christi ambulare fecerunt. Placet hac de re Venerabilis Drogonis Exabbatis <sup>x</sup>, & Episcopi Hostiensis verba dedisse. Egenus, & pauper ego sum Domine, & claudus ex utero matris meæ, & ecce sedeo ad portam templi tui, quæ dicitur Speciosa, non valens, nec volens, introire, quin potius egestate bonorum tuorum mendicans foris alimoniam carnis meæ, æreas, & falsas imagines hominum, ubi coacervem mihi talentum iniquitatis, fasciculos deprimentes. Et ecce hora orationis Nonæ est: ascendunt Petrus & Joannes Apostoli tui, ut orient ad templum sanctum tuum: ego autem haereo terræ, & luto, terrena, & vanâ sapiens, & aliis introeuntibus ego foris remaneo non quærrens cum eis, ea quæ Patris tui sunt, sed quæ Patris mei: Ecce jam hora orationis Nonæ est, inclinata est dies, propè est nox, cum surrexero manè diluculo de his, quæ nunc mendico, nihil in manibus meis reperiām. Hora, inquam, orationis Nonæ est: Oraisti hac hora pendens in cruce, oraisti inclinato capite clamans voce magna, & expirasti, & eumdem, quem de nobis tunc habebas compassionis animum, tecum asportasti, & credo Domine, quia tecum adhuc reservas, quia charitas tua refrigescere nequit. Erat autem hora orationis Nonæ. Et quare Nonæ orationis hora erat <sup>c</sup> quia circa horam Nonam tenebræ factæ sunt. Repellendus erat horror tenebrarum, qui universam operuerat terram; repellenda caligo populorum, quæ ex tunc ceperat abundare, ex quo tu cœpisti ad auram post meridiem deambulare, ex quo tunc non cessasti clamans, Adam ubi es? Haec tenus Drogo.

t Act. 10. u Act. 3. x Dugo lib. de Sacram. Dominicæ Passionis.

### §. III.

An hora nona cibum sumerent Antiqui. Quinam semel, qui pluries in die olim reficerentur. Christianorum qui mores de eadem re, & qua hora jejuniū solverent.

<sup>y</sup> 1. Cæterum cum de Nona tractamus, diffimulare nequeo, quod nuper aliud agenti ingessit se mihi ex libro de jejuniis contra Psychicos Septimii Florentis Tertulliani <sup>y</sup>, quemlibum licet adversus Catholicos scripsit, libenter tamen cum de re antiquaria agitur, illius fontibus scripta mea irrigare soleo. Scribit iste hora Nona ultimam stationi clausulam à Catholicis (quos Psychicos id est animales vocat, quod Montani dogma de tribus Quadragesimis non admitterent) impositam olim fuisse, quam sui Montanistæ usque ad Vesperam protrahebant. Expungere autem, vel dirimere stationem idem est ac jejuniū solvere, & prandere, ut supra notatum est. Lege si placet Ludovicum de la Cerda <sup>z</sup> in suis Adversariis. Verum an præcisè hora Nona finis sit, & expunctio stationis controversum est. Attingam hic vellicatim quod varia lectio compertum est mihi, licet hæc diutius conjectari non sit omnino nostri instituti. Et quidem maiores nostri cum magis temperantiae, & sobrietati studebant, vel semel tantum in die circa solis occasum comedebant, vel certè usque ad sextam prandium differre consueverunt. Hæc consuetudo non Christianis tantum, sed & ipsis Ethniciis solemnis fuit. Quod unica refectio, quam cœnam vocabant, quidam antiquiores Græci, & Romani contenti essent, testantur Scriptores fide dignissimi. Isidorus <sup>a</sup>, apud veteres, ait, in usu non erant prandia. Cicero in Tusculanis <sup>b</sup>, & Clemens Alexandrinus <sup>c</sup> referunt dictum Platonis, quem pudebat bis in die saturum fieri. Horatius <sup>d</sup> invitans Torquatum ad cœnam ait,

Supremo te sole domi Torquate manebo.

Et ad Mœcenatem.

Si cœnas hodie mecum,

Post nonam venies.

Raphael Volaterranus <sup>e</sup> multum laborat in intellegendo hoc versu Martialis,

Imperat extuctos frangere Nonæ toros.

Nam si prandium, ait, nimis tardè. Si cœna nimis citò. Dicendum tamen fuisse cœnam, quæ post nonam incipiens usque ad tenebras protrahebatur, quo tempore luminaria accendebantur, ut constat ex his versibus Virgilii <sup>f</sup>.

Post-

y Tertull. de Jejun. c. 10. & 14. z Ludov. Cerda Adv. c. 138. & 140. a Isidor. l. 20. orig. c. 2. b Cicer. s. Tuscul. c Clem. Alex. l. 2. Päd. c. 1. d Horat. lib. 1. ep. 5. & 7. e Raph. Volaterr. l. 32. comment. Urban. cap. 32. f Virgil. Æn. lib. 1.

*Postquam prima quies epulis, mensa que remotæ  
Crateras magnos statunt, & vina coronant.  
Et strepitus tecis, vocemque per ampla voluant  
Atria, dependent lycnii laquearibus aureis  
Incensi, & noctem flammis funerali vincunt.  
Sic autem incepit epulus aliquando in sequen-  
tem diem extendebantur. Propertius g,  
Sic noctem patera, sic ducam carmine, donec  
Injiciat radios in mea vina dies.*

Silius item Italicus h, cum perditos Romanorum  
mores sua tempestate notaret, Regales epulas,  
ataque ortu convivia solis deprehensa commemo-  
ravit. Alludit ad hunc morem Apostolus dum  
ait i, & qui ebrii sunt, nocte ebrii sunt. Huc etiam  
respexit princeps Lyricorum dum cecinuit k.

*Sume Mæcenas cyathos amici  
Sospitis centum, & vigiles lucernas  
Profer in lucem.*

Appositè ad eamdem rem dixit Satyricus l :

*Tecum etenim longos memini consumere soles,  
Et tecum primas epulis decerpere noctes.*

Sanctus quoque Cæsarius m, Fugiamus, inquit,  
prandia luxuriosa, quæ nos aliquoties etiam in-  
vitos usque ad noctem median trahunt. Usum  
verò lucernarum in conviviis, & pendentia è la-  
quearibus lumina multi Auctores commemo-  
rant. Propertius n :

*Dulcis ad festinas fecerat mihi rixa lucernas.*

Lucretius o,

*Lumina nocturnis epulis ut suppeditentur.*

Statius p,

*Ast Alii tenebras, & opacam vincere noctem*

*Aggressi tendunt auratis vincula lycnis.*

Salvianus Massiliensis q, & Aurelius Cassiodes  
rus r non nisi ad vesperam licuisse olim cibum su-  
mire asseverant. Athenæus s, cum varia convi-  
via in coenis sapientum enumeret, semper coenæ  
nomine utitur. Aurelius Gellius t se Athenis à  
Philosopho TAURO convivio exceptum refert, ad  
id dici ubi jam advesperaverat : id enim, ait, est  
tempus isthinc coenandi frequens. Tertullianus in  
Apogoletico ; Post aquam, inquit, manualem,  
& lumina, ut quisque de Scripturis sanctis, vel  
de proprio ingenio potest, provocatur in medium  
Deo canere. Christianorum autem primi ævi  
coenæ describit. Vitruvius u hyberna triclinia

g. Propert. lib. 4. el. 6. h Silius Ital. l. 11. i 1 Theſſal.  
5:7. k Horat. l. 3. o. 8. l Persius Sat. 5. v. 41.  
m Cæsarius hom. 19. n Propert. l. 3. El. 8. o Lu-  
cret. lib. 2. p Statius lib. 1. Theb. q Salvian.  
lib. 1. de provid. r Cassiod. in Ps. 14. s Athen.  
l. 4. Dipnojoph. t A. Gell. noctium Attic. lib. 17.  
cap. 8.

coenæ destinata ad Occidentem hybernum ex-  
truenda esse præcepit, quod vespertino lumine  
uti opus esset. Apud Xenophonem x milites  
Cyri nonnisi die exacto reficiebantur. Plantus  
Vesperum metonymicè pro coena usurpat in Mi-  
lite gloriolo, & in Rudentibus : quoniam Ro-  
mani hac hora coenare solebant. Hanc veterum  
continuentiam Severinus Boethius sic celebrat y;

*Felix nimium prior ætas  
Contenta fidelibus arvis,  
Nec inertis perdita luxu,  
Facili quæ sera solebas  
Fejunia solvere glande.*

Antiqui Monachi apud Chrysostomum z pran-  
dium ignorabant. Quintus Smyrnaeus a in Para-  
lipomenis post exactum diem cibi refectionem  
sumptam ait à Penthesilea, quæ Trojanis auxilio  
venerat cum Amazonum exercitu. Apud Ari-  
stophanem b in Nubibus facetus quidam Socratis  
discipulus ; Heri, inquit, nihil nobis coenæ  
sunt sub vesperam. Plinius junior e coenæ memi-  
nit, quæ hyeme post nonam, æstate post octavam  
sumeretur.

2. Quod autem spectat ad prandium ; sive ad  
duplicem refectionem, adsunt & alia testimoniæ d, quibus constat Antiquos & prandio, &  
coena ulos quandoque. Notum est illud Ducus  
Spartani apud probatos Scriptores. Prandete  
milites, hodie apud inferos coenaturi. Dictum  
autem prandium ex eo quod milites ad prælium  
paret, assertit Trebellius Pollio e : & apud Var-  
ronem extat inter fragmenta Satyrarum una cum  
hac inscriptione, Pransus paratus. Atque inde  
scribit Polybius f ab impransis militibus non  
fusciendum prælium, traditique præcepta de  
curando prandio Onosander g in Strategico.  
Cornelius Celsus h Latinorum Medicorum Prin-  
ceps commodius esse docet bis in die, quam se-  
mel cibum capere. Flavius Josephus i hora quin-  
ta Essenos prandisse notat, & vespere coenasse.  
Extat apud Plutarchum Magni Alexandri z  
pophetæma ; Ad prandii condimenta nocturnæ  
profectiones optimas esse, ad coenæ autem pran-  
di

u Vitruv. lib. 6. Architect. c. 2. x Xenoph. lib. 3. Cyri  
pæd. y Boeth. de consol. Phil. l. 3. metr. 5. z Chrys.  
hom. 56. in Matth. a Q. Smyrn. lib. 1. v. 125.  
b Aristophan. in Nubibus act. 1. sc. 2. v. 50. c Pli-  
nius l. 3. ep. 1. d Val. Max. l. 3. c. 2. Senec. Epist.  
83. Cic. i. Tuscul. & Origen. lib. 2. adv. Celum.  
e Trebell. in Salomon. Gallieno. f Polybius l. 3. g O-  
nasan. c. 12. h Cornel. Celsus de remedial. l. c. 1.  
z 3. i Joseph. de bello Iudaico l. 2. cap. 7.

dii parcitatem. Observat Hieronymus Mercurialis k, vir reconditæ eruditioñ apud Græcos, Hippocratis præsertim temporibus, nullam de hac re certam legem fuisse, nam quidam ter, alii bis, plerique semel tantum in die reficiebantur. Eustathius Thessalonicensis ad librum secundum Odysseam Homeri veteres tribus cibis usos fuisse asseverat, matutino, meridiano, & vespertino. Apud Homerum militibus, & Heroibus multiplex cibatus fuit, teste Athenæo l. Et primus quidem jentaculum dicebatur, Græcè ἀνεργίας, sive ἀργείας, quod panis frumento intincta sumeretur. Sunt qui ἀεισον δictum jentaculum arbitrentur, qua voce bis tantum utitur Homerus m. Sed alii haec prandium significant. Legendus Suidas verbo Δεῖπνον. Fulgentius Planciade auctore jentaculum dicitur gustatio, & quasi prægustativa comedio. Plautus, & Martialis jentaculi mentionem faciunt: quod auroræ exortu olim sumptum asserit Philemon apud Athenæum. Sequebantur prandium, merenda, & cena. Merendas certam horam assignatam non invenio. Hanc Græci vocant Εργάστημα, eamque commemorat Homerus n. Merendæ quoque meminit Plautus in Mostellaria, actu 4. Scena secunda. Cœna vespere sumebatur, prandium circa meridiem. Procopius Gazensis in Genesim; Adam, inquit, horâ sexta veritum cibum in ilia demisit: est enim ea hora quasi certa regula homini constituta, ut cibum capiat, Aelius Lampridus in Alexandre Severo; Et cum dormiret post convivium hora diei ferè septima. Græcus Auctor Anonymus interprete Lilio Giraldo o:

Sufficit in sextam labor horam, deinde sequentur  
Ut vivas numeri: littera ζνδη monet.

Septima enim, octava, nona, & decima hora in Græcis horologiis, ut Maximus Planudes commentatur, notantur his litteris Z, H, Θ, 1, quæ simul junctæ verbum ζνδη, exprimit, quod Latinè sonat vive. Juvenalis in fine Satyræ undecimæ sextam prandio designatae affirmat. Ausonius in Ephemeride quintam assignat dicens:

Sofia prandendum est, quartam jam tosus in horam  
Sol calct, ad quintam flectitur umbra notam.

k Mercurialis lib. 4. var. left. c. 17. & l. 1. deregymnastica cap. 9. & l. 1. Ath. l. 1. c. 4. in Homer. Iliad. o. Odyss. π. ut ueroque loco admonuit Eustathius. n Homer. Odyss. 2. o Lib. 2. Antilog. cap. 91.

Porrò veteres quater in die cibum modicè sumpissime ostendit Muretus p. Prandium sine potu & tenue fuisse scribit Clemens Alexandrinus q: quale etiam describit Seneca r dum ait, panis siccus, & sine mensa prandium, post quod non sunt lavanda manus. Certam verò comedendi horam non existimo omnes gentes habuisse. Caspii venter solatum est, inquit Ammianus Marcellinus s: quod multè justissimum prædicat Plautinus ille Parasitus apud Gellium t. Sed belluarum ritus est ex ventris eslurie horas sentire, ait Cassiodorus u. Facetè x Diogenes interroganti quānam horā quis deberet cibum sumere, respondit: Si dives, quando vult; si pauper, quando potest. Prandii verò & cœnæ mentionem faciunt Auctores celeberrimi Macrobius y in Saturnalibus, Plutarchus in illo Opusculo, cuius titulus est; Non posse suaviter vivi secundum Epicurum, Xenophon in Cyriædia, in Oeconomicis, & passim in libris Ανθεύων, Suetonius in Domitiano, Hippocrates z libro de ratione vietus in morbis acutis, Athenæus a in cœnis sapientum, Mamertinus in Panegyrico Juliani Imperatoris, Clemens Alexandrinus b in Pædagogia, Sidonius Appollinaris e in Epistolis, Joannes Tzetzes d in Chiliadibus: & ex recentioribus Thomas Dempsterus e ad antiquitates Romanas Joannis Rosini, Joannis Savaro f ad Sidonium Appollinarem, Julius Cæsar Bulengerus g libro de conviviis, ubi de hora prandii accuratissime disputat, & ali plures.

3. Sat dictum de infidelibus, nam quæ hactenus diximus, illis dumtaxat convenisse videntur. Jam nostrorum mores disquiramus. S. Benedictus facem mihi præfert capite quadragesimo primo sua Regulæ. A sancto Paſcha usque ad Pentecosten ad sextam reficiant fratres, & ad seram cœnent: quæ prandii sexta continuanda erit totâ æstate, exceptis feriis quarta & sexta, quibus jejunandum sit nec ne, Abbatis providentia remittitur. Ab Idibus autem Septembribus usque ad caput Quadragesimæ ad nonam semper reficiant. In Quadragesimæ  
B b b b b verò

p Muret. lib. 4. var. left. cap. 12. q Cl. Alex. lib. 2. Pædag. cap. 2. r Seneca Ep. 83. s Ammian. Marc. lib. 23. t Gellius l. 3. cap. 3. u Cassiod. l. 1. var. Epift. 46. x Laertius lib. 6. y Macrob. l. 3. c. 17. z Hippoc. sec. 4. a Athen. l. 4. cap. 13. b Clem. Alex. lib. 2. cap. 2. c Sidon. l. 2. Epift. 9. d Tzetzes Chil. 8. v. 25. e Dempft. ad c. 27. l. 5. f Savaro ad Ep. 12. lib. 6. g Buleng. l. 1. cap. 23.

verò usque ad Pascha ad vesperam reficiant. Ecce tria tempora prandio Monachorum sanctissimus Legillator assignat, horam sextam diebus quibus non jejunatur; jejunii Quadragesimalibus horam vespertinam, aliis jejunii horam nonam. Hanc autem distributionem apud omnes olim Christianos in usu fuisse manifestum est. De sextae prandio iis diebus, qui à jejunii lege eximi sunt, possem innumeros testes afferre Græcos & Latinos, Cattianum h scilicet in Collationibus, & libro de spiritu Acediae. Sanctum Nilum de eodem spiritu, Basilius sermone ascetico, cui titulus est; De homine quod sit imago Dei, sanctum Pachomium initio Regulae, quam ab Angelo accepit, Theophylactum i, Auctorem\* modi bene vivendi inter opera Bernardi, Gregorium magnum k in Dialogis, Hugonem Victorinum l in expositione Regulae sancti Augustini, Diuum Thomam m & alios. Sed nolo tot testimoniorum onerare lectorem. Id verò notandum est hoc loco, errasse quoddam Canonum Interpretes n, horam prandii tertiam esse dicentes, nisi forte suorum temporum consuetudinem respexerint. Certè Nicolaus Papa o in Responsionibus ad consulta Bulgarorum hortauer eos, ut ante horam diei tertiam nullum corporalem cibum, etiam in ipsis insignioribus solemnitatibus omnino sumant, cum scriptum legamus: *V& iis qui manè comedant. Quam constitutionem ita decet interpretari, ut horā tertiā Misericordia solemnia celebrantes postea circa quintam, vel sextam reficerentur. Nec mirum si summus Pontifex antiquum Ecclesiæ rigorem aliquantulum eis relaxaverit, ferocius enim populos recens conversos ad fidem paulatim ad austeriora ducere oportuit. Ostendunt & sacra Biblia hanc eandem cibi capiendo horam. Fratres Joseph p parabant munera, donec ipse ingredieretur meridie, audierant enim quod ibi co mesturi essent panem. Cum populus revertisset per meridiem, duo Seniores q, qui castam Sunnam deperibant, dixerunt alter ad alterum, Eamus domum, quia hora prandii est. Cum Jesus r, fatigatus ex itinere sedebat sic super fontem, hora erat quasi sexta; Discipuli verò abie-*

rant in civitatem, ut cibos emerent. Accedit quod Princeps Apostolorum s' discipulos non esse ebrios tanquam insolubili arguento evicit, quod horā diei tertiā esset à solita comeditionis hora plurimum distans, qua nullatenus fieri posset, ut homines modesti jam se mero ingurgitassent. Sed jam ad jejunia vocamur. Sanctus Benedictus tempus prandii à tempore jejunii distinguit, quia subtractio prandii ad jejunii integratam spectat, quare esurialibus diebus (ut Plautino vocabulo utar) quæ fit comedio, cena non prandium esse debet, quæ quò amplius differtur, èo melius abstinentiae districtio observatur. Et quidem extra Quadragesimam præcipit Ecclesia, ne ante horam nonam manducemus. Athanasius rem acu tetigit libro de Virginitate: Jejuna totum annum, etiamsi nulla cogat necessitas: hora verò nona, cum jam in Hymnis & precibus perseveraveris, sume panes tuos cum oleribus conspersis oleo. Adstipulanter alii, Hieronymus s, Augustinus u, Palladius x, & Climacus y. Eamdem horam antiquis Hebreis in usu fuisse scribit Aristeas z in Historia LXXII. Interpretum, quos ait scripsisse usque ad horam nonam, deinde curasse corpora. Aurelius Prudentius a Poëta clarissimus Hymno post jejunium sic canit:

Nona submissum rotat hora solem  
Partibus vix dum tribus evolutis,  
Quarta devexo supereft in axe  
Portio lucis.  
Nos brevis voti dape vindicata  
Solvimus fastum, fruimurque mensis  
Affatim plenis, quibus imbuatur  
Prona voluptas.

Idem in Hymno b de S. Fructuoso Episcopo, & aliis Martyribus Tarraconensisibus eamdem rem clarius explicat his versibus:

Quosdam de populo vides Sacerdos  
Libandum sibi poculum afferentes:  
Jejunamus, ait, recuso porum,  
Nondum nona diem resignat hora.

In majori autem jejunio quadraginta dierum, qui anniversariam Christi mortis memoriam præcurrunt,

f Att. 2: 2, 15. t Hieron. Ep. 22. u August. Ep. 118. in fine. x Pallad. cap. 139. y Climac. gr. 13. z Aristeas. a Prudent. hym. S. Cyprian. b Hym. 6. σῇ Σπη.

h Cattian. Collat. 21. cap. 23. & lib. 10. c. 1. i Theophil. in cap. 27. Matri. \* De modo bene vivendi serm. 52. k Gr. Dial. lib. 3. cap. 15. l Hugo cap. 3. m D. Th. 2. 2. qu. 147. art. 7. n Archidiacon. & Turrecrem. ad c. Quod dixit dis. 41. o Nicol. Papa. cap. 60. p Gen. 43: 25. q Daniel. 13: 7, 13. r Ioa. 4: 6, 8.

currunt, usque ad vesperam in diem prorogata antiquissima religio est. E veteri Testamento desumpta videtur consuetudo, passim enim Israëlite jejunasse usque ad vesperam memorantur. Favent sancti Patres. Basilius *a*, Expectas vesperam, ut cibum capias. Paulinus *e*; Quotidiana jejuna non refutit, & pauperem mensam vespertinus conviva non horruit. Chrysostomus *f*, Non existimemus in diem usque ad vesperam ad salutem nobis sufficere. Theodulphus *g* Episcopus Aurelianensis Epistola ad Clerum suum; Solent plures, qui se jejunare putant (loquitur autem de Quadragesima) mox ut signum audiunt ad nonam manducare, qui nullatenus jejunare credendi sunt, si ante manducaverint, antequam Vespertinum celebretur Officium: concordum est enim ad Missas, & auditis Missarum solemnibus, sive Vespertinis Officiis, largitis eleemosynis ad cibum accedendum est. Si vero aliquis necessitate constrictus fuerit, ut ad Missam convenire non valeat, æstimata vespertina hora, completa oratione sua, jejuniū absolvere debet. Bernardus *h* sermone de Quadragesima; Hactenus usque ad nonam jejunavimus soli, nunc usque ad vesperam jejunabunt nobiscum universi, Reges & Principes; clerici & populus; nobiles & ignobiles: simul in unum dives, & pauper. Extant & sacri Canones de hac re apud Gratianum *i*, Burchardum *k*, & Yvonem *l*. Hic licet tandem subsistere & deplorare. Heu quantum à prisco jejuniorum ritu retessimus! Tunc vera jejuna erant, dura, & austera: nunc levia sunt, & vix jejuniū nomine digna, ludus, & umbra jejunii. Etiam in ipsis solemnioribus pervigiliis vix meridiem expectamus, statutas Nonæ, & Vesperarum horas in solemnī dumtaxat sacramentum precum recitatione servantes. Utinam quod deest abstinentiae, aliarum virtutum exercitatione sarciamus.

*c* Iudic. 20: 26. *i* Reg. 14: 24. *z* Reg. 11: 12. *d* Basili. orat. 1. dejejun. *e* Paulini Epist. 6. ad Amand. que est in ordine 24. *f* Chrys. Hom. 4. in Gen. *g* Theodulph. Ep. ad clericum. n. 39. *h* Bernard. serm. 3. de Quadrag. *i* De conf. d. 2. c. soleant. *k* Burch. l. 13. c. 9. *l* Ivo p. 4. 6. 42.

## METRUM XIX.

**O**nimum etas aurea felix,  
Cum sponte sua, vindice nullo

Colerent homines jura, fidemque.  
Cauda morum, castusque pudor  
Querulas litores, diraque vincula  
Bella premebant. Saucianullo  
Vomere tellus teneras fruges  
Ubere cornu leta erbat.  
Dulces epulas herba salubris,  
Dabat & potum rigidus amnis.  
Nondum certo limite campus  
Drusus erat: nondum cincto  
Mænibus urbes, nondum oribus  
Munita domus, pervia cunctis  
Drustiarum gaza patebat.  
Aberant raudes, aberant cades:  
Non Thessalicis mixta venenis  
Pocala mortis, non aconita  
Noverat orbis. Pietas sancta,  
Amor, & summi Numini horror  
Placida gentes pace regabant.  
At nunc miseros postquam infecit  
Deterioris vena metalli.

Jam visiorum scelerata cohors  
Agmine facto mundo incubuit,  
Ambitus exlex, praecipue furor,  
Intima livor viscera rodens,  
Rabies, cades, surta, rapina,  
Dolus, & fraudum perfida larva,  
Venalene as, dira venena,  
Luxus, & auri cæca cupidio,  
Prodigariæ gula, laetaque  
Gloria mensa, quam morborum  
Immensa lues, celerique gradu  
Aspera sequuntur, duraque egerrimas.  
Tumjus, & amor, calidusque Dei,  
Veraque pietas, fasque, fidesque,  
Atque omnia toto exsultat orbe  
Candida virtus, ornataque mortua.  
Ergo querelas juridice acerbas  
Mafsi juventus: plangit se avaro  
Siderenatis, genue infelix,  
In quos etas ultima vent.

Sentiat aether gemitis vestros,  
Sentiat aer, tellusque patens,  
Et vagi pelagi mobilis unda,  
Soboles tantis obessa malis  
Non est lucubranda levio,  
Nos insatius genus, o pueri,  
Flebile vulgas, male nata seget  
Sævi per iter triste doloris  
Celeris imus: nec sic tellus  
In sima supero diffat ab axe;  
Quantum à sensibus nova distans  
Terba nepotum. Nos seno piger  
Terra opprobrium prorsus orbis,  
Qui graviori pondere pressi

Bbbb b 2 Hand

Haud degeneres dabimus natos.  
Sed inutilibus parcite lacrymis,  
Parcite juvenes, parcite tantos  
Promere questus: dabitur vobis  
Alium vitæ nosse tenorem,  
Si nunc veteres renovet mores  
Præsens ætas. Aurea secula  
Aurea morum norma reducat.

CAPUT X.  
DE VESPERIS.

§. I.

*Mysticus solis occasus. Quid sit solem oriri, & occidere. Dicta quadam breviter de cognitione sui. Humanarum rerum magnam esse vicissitudinem.*

Am diurni finis officii, jam jucundissimæ lucis instat occasus. Qui producit Luciferum in tempore suo, jam vesperum super filios terræ consurgere facit. Nimirum, ut Sapiens b observat, Oritur sol, & occidit, & ad locum suum revertitur, ibique renascens gyrat per meridiem, & flebitur ad Aquilonem. Lustrans universa in circuitu pergit spiritus, & in circulos suos revertitur. Ortus autem sui, & occasus alterna varietate magni nos admonet Sacramenti in Christo, & in Ecclesia, in Redemptore, & in redemptis. Et ipse quidem verus iustitiae Sol è purissimo Virginis utero feliciter ortus occubuit in Passione, ac in admirabilis Ascensionis die reversus est in locum suum. Exivi, inquit c, à Patre, & veni in mundum, iterum relinquo mundum, & vado ad Patrem. Hic est Sol, de quo psallimus cum Propheta d, sol cognovit occasum suum, Christus scilicet cognovit passionem suam. Sed numquid ita occidit sol, ut non oriatur? Numquid qui dormit non adjicet ut resurgat? Ipse dixit, Dormivi conturbatus: Sed de ipso etiam dictum est e, exaltare super eos Deus: & inde venturus est judicare vivos & mortuos. Ergo sicut sol iste visibilis decadente die per incognitas semitas ad locum regressus unde exierat, rursum exploso noctis curriculo de thalamo suo festinus erumpit: ita mysticus Sol, qui de sinu Patris in uterum matris de- a Job. 38:32. b Eccles. 1:5. c Ioan. 16:28. d Psalm. 103. e Psalm. 56.

scendit, ut lumine suo illustraret universa, & cœlis iterato nascetur exortu, quando iterum apparebit expectantibus te in salutem. Ideò facies ejus lucere dicitur, sicut sol f lucet in virtute sua, quia, ut S. Victorinus g Episcopus scribit, licet solis gloria minor sit quam gloria Domini, propter ortum tamen & occasum, & rursus ortum scriptura dicit faciem ejus similem gloriæ tolis. Sed & nobis singulis oritur sol, & occidit, & ad locum suum revertitur. Oritur cum suam nobis infundendo gratiam dixerit de tenebris lucem splendescere: occidit, cum illud contingit, quod in Psalmo h scriptum est, Avertisti faciem tuam à me, & factus sum conturbatus. Oritur timentibus Deum, & fatigentibus per bona opera certam facere vocacionem suam: occidit negligentibus, & fallaci præsumptione securis. Oritur, inquit Saloni- ius i, timentibus se: occidit etiam haereticis, & malis Catholicis, quia propter peccata sua lumen gratiae ipsius amittunt. Oritur quibusdum, aliis occidit, ait Marcus Eremita k, pro varia eorum dispositione, qui circa divinam cognitionem versantur: ille vero beatus est, qui possidet ipsum in se ipso justitiae Solem, qui non est circumscriptus vespere, & ignorante. Item alio modo. Oritur nobis Sol, quando veritatis intelligentia cordi nostro inspiratur: occidit, cum intelligentiae radius obsecratur. Occidit ei sol, ait Propheta l, cum adhuc dies esset. Sed post occasum ad locum suum revertitur, ut iterum renascatur, quia per subtractionem gratiae ad sui considerationem mentis oculus reverberatur. Solis enim hujus locus proprius ipse est animus. Per hoc vero quod divina gratia se ad tempus subtrahit, cogitur homo agnoscere quam nihil sit, & quam per se nihil possit, per quam propriae infirmitatis cognitionem amissa intelligentia reparatur, & quasi sol renascens ad altissimam rerum cœlestium contemplationem paulatim ascendet.

2. Ecce quantum valet humilis cognitionis sui, scriptum est enim m: Omnis qui se humiliat, exaltabitur: & n, Bonum mihi quia humiliasti me, ut discam mandata tua. Post occasum sequitur ortus, & humiliatio signum est gratiae appropinquantis, quia sicut ante ruinam exaltatur cor, ita ante exaltationem humiliatur. Rectè Satyricus o:

— E cœlo

f Apoc. 1. ac ibidem g Victorin. in Apoc. c. 1. h Ps. 29. i Saloni- in c. 1. Eccles. k Mare. Eremit. de Temperantia c. 15. l Jer. 15:9. m Luc. 14:11. n Psalm. 118. o Juvenal. Sat. II. v. 27.